

廣東圖說

凡例

一^臣等欽奉

諭旨繪廣東地圖檄行通省文武各官繪造圖冊以爲底本乃以廣東通志及府廳州縣志書所載地圖詳加考核不訪近日商民所繪水程海島之圖以參訂之自來志書繪圖皆多不確此次文武官所繪亦有詳畧不同互爲校勘各不相合今以府廳州縣交界之山水爲定其餘不合者長短疏密逐漸移改仍就文武官圖尺寸以算法三邊四邊等形爲之剪裁雖未必盡得其真而較詳於舊圖矣

一府廳州縣各自繪圖地不能聯合今以初刻廣東通志

身圖言卷首
一
之圖爲底本廣東通志有改刻之圖不如初刻之圖爲較善也然仍有未確者今轉以文武官新繪之圖參訂之每一圖外分點鄰界可以合成大幅其海濱島嶼沙礁零星屈曲皆近今采訪所得亦較舊志之圖更爲詳細

一康熙乾隆

兩朝一統全圖以營造尺一寸當地面百里其南北緯度每度二百里無盈縮故皆爲二寸其東西經度自南而北以次漸狹皆不及二百里故皆不及二寸今繪廣東一省地圖務期詳悉謹遵

成法縱橫俱展大十倍以營造尺一尺當地面百里一寸當十里故

緯度一度縱二尺經度一度橫一尺八寸餘復於圖之四旁繪爲墨闌每度析爲六十分以便量取細數

一省城之經緯是實測所得真確不誤其餘府廳州縣治所舊志雖有經緯之數大都以道里約畧定之不盡出於實測今以廣東通志之經緯爲底本以文武官新繪之圖核之有未確者稍爲移置大約移經度者十之二移緯度者不及十之一則以測緯度易測經度難通志緯度所差者少經度所差者多故也

一水道之紆直洲渚之交絡皆再三研究文武官署營汛礮臺之所在亦皆詳載惟鄉村名目各官造繳之圖有極繁多

者圖內不能盡寫今於都圖堡甲及大鄉村皆載之其小鄉村但載於說不載於圖以限於篇幅故也

一唐元和郡縣志舊有四十七圖冠諸鎮之首今竊仿此體例惟圖幅較大不能入卷茲縮繪小圖但載大山水及城署營汛冠於卷首與大圖相輔而行其各府州縣次序謹遵

欽定大清一統志不敢移易

圖說原爲大圖而作小圖但取便覽說內鄉村小山水及每度分數墨闌仍當檢閱大圖

一欽奉

諭旨地圖之後系之以說檄行通省文武各官列冊造繳乃以古今地理志乘諸書考核之凡有建置隔數十年卽多前後不同惟以今日爲定至地理書例載沿革此爲考古之事謹遵

欽定大清一統志表不敢增易

一山谷先述方位道里次形勢險易次道路營汛次古蹟界至營汛古蹟均用漢地理志體例以有字別之附近諸山山脈相連者則曰東爲某山又東爲某山在西南北者亦如之附近各山其形勢險易道路營汛古蹟亦具載之各官造繳之冊有詳畧不同者今以

欽定大清一統志廣東輿圖廣東通志諸書補其漏畧

一水道竊仿水經體例庶使源委分合一一明晰但今府廳州縣分圖系說水道當分界限自鄰境流入者以流入之處爲始流出鄰境者以流出之處爲止若聯貫而觀路路皆通

至海港分歧海岸屈曲島嶼廣狹沙礁淺深皆今采訪所得
爲舊志所無故載之尤詳

一宋元豐九域志具載鄉鎮之名夙稱詳備今竊仿此體例
具載鄉名惟各廳州縣所屬小村甚多其中或數村有一大
鄉總名或數十村數百村有一大鄉總名大鄉總名或曰都
圖堡甲或曰圍約社鋪每一州判縣丞主簿吏目巡檢典史
或分屬大鄉數處或數十處各以方位道里爲次分列於各
官之下末詳險易道路墟市營汛鹽官關津古蹟泉石鹽田
亦用漢地理志體例以有字別之先險易道路次墟市營汛
墟中有汛則曰墟汛次鹽官關津附以稅廠鹽廠次古蹟次

泉石次鹽田次界至

一各廳州縣每兼數營一營或兼數廳州縣今以每廳州縣爲一卷每卷各營官兵次第以營總品秩之崇卑爲序其同標同營則以中營左營右營前營後營爲序其或隸鎮協或不隸鎮協直隸提督或不隸提督鎮協直隸總督皆詳注於各營營總之下至各營兵丁總數開列於各營營總之後而分注馬步守兵名數及分防州縣於下其或同標同營左營營總駐此廳州縣而右營營總又駐一廳州縣如順德協左營都司駐順德縣而右營都司則駐三水縣蘆苞汛羅定協左營都司駐羅定州而右營都司則駐新興縣河頭獨榕汛

之類各依營總所駐之廳州縣分注於下以昭畫一

一凡大小文武員弁之在城內城外者皆曰駐同係一廳州縣而或有老城舊城新城外城及惠州府附郭歸善縣府縣不同城者皆分別書之其餘州縣有專城之責必應駐城者概不書外汎或有武弁及兵丁者或無武弁止有兵丁者皆曰防存城存營亦曰防惟惠州府則曰存府城船汎亦曰防惟外海水師船汎兵丁則曰巡洋以示區別

一水陸各營惟提標及崖州協儋州營各有水陸均分晰外其餘各營水師官兵稱水師以別於陸營水陸各營塘汎均有水汎陸汎之分其同一汎名而有水汎又有陸汎者則分

別書之其餘陸營則書水汛而不書陸汛水師則書陸汛而不書水汛水陸各營並有船汛而水師有內河外海之分外海船汛巡察外洋今稱曰巡洋兵丁以別於陸營及內河水師營外海水師各營巡洋兵丁除定額外有由本營存城防兵內分撥者如陽江鎮左營香山協左營皆是也有由本營存城及各臺汛防兵內分撥者如龍門協左營右營香山協右營澄海左營右營皆是也且有由兼轄各營公同分撥者如南澳鎮右營額外巡洋兵丁二十五名是也今並分別詳注於各營存營防兵之下以備察核

一各營分防外汛多設於兩縣交界險隘之區每有疆域屬

此廳州縣而官兵仍列入彼廳州縣者如南韶連鎮中營中軍守備右營右哨頭司把總各一員均防英德縣逕頭鄉內之青峒汛嘉慶中新設佛岡直隸廳將英德縣屬之逕頭鄉割屬佛岡廳原議青峒汛雖在逕頭鄉內其營弁未便撥歸廳屬當仍其舊自楓逕汛以東屬鎮標青峒汛管轄楓逕汛以西屬佛岡營燕嶺汛管轄今於佛岡廳圖旣注青峒汛於境內且於佛岡廳屬逕頭鄉下云有青峒汛而南韶連鎮中營中軍守備右營右哨頭司把總各一員仍列入英德縣內又如順德協右營之石門汛分防番禺縣屬之濬心堡石門村大通汛分防番禺縣屬之沙羅堡大墩村而該協營制向

屬南海縣今於番禺縣圖旣注石門汎大通訊於境內且於番禺縣屬潛心堡下云有石門汎沙羅堡下云有大通訊而兩汎防兵名數仍列入南海縣內以昭核實

一外委千總秩正八品儋州營有額外外委千總秩亦正八品外委把總秩正九品額外外委秩從九品水陸各營或分頭司二司三司四司或分中司左司右司均分別列明以昭品秩惟三項外委均食本身名糧各營均列外委本身名糧名數於前以符定數惟督標五營官弁駐防高要縣貼防各縣外委名糧名數已見高要縣各縣毋庸再書潮州鎮中營駐防海陽縣貼防各縣亦然以免重複

一水陸各營書識名糧多少不同在城內者從存城防兵名糧項內分撥在外汛者則從外汛防兵名糧項內分撥今各歸各項併數開列以免轆轤

一水陸各營兵數向有定額或因地屬險隘添設臺塾卡汛未便於額外請增每於本營存城及各臺汛額兵分撥防守今各別注明於各營存城項下以昭核實

一塘舖分別東西南北及東南西南東北西北每至交界之處聯而觀之亦路路皆通其或有同途而向分兩路三路者分別列明以備稽考

一八排徭人雖均隸連山綏徭廳稽察而八排之地屬連山

廳者五屬連州者三又二十四小徭排地屬連山廳者五屬連州者十有九今仍分別列明以正疆界瓊州黎人有生熟之分且有薙髮編入版圖者今亦以其地分別書之

一廣州之香港澳門潮州之沙汕頭馬嶼放雞山本屬海濱孤島今爲外國人等所居商賈雲集謹詳載其形勢險易原設營汛新設海關及附近諸島以備考察

始爲所誤疑其開及則武諸葛以論其家

旅島今爲必國人帶利銀兩買其銀其銀其銀其銀

一謂此之書其書其書其書其書其書其書其書其書

之公且其書其書其書其書其書其書其書其書其書

其書其書其書其書其書其書其書其書其書其書

其書其書其書其書其書其書其書其書其書其書

繪編廣東圖說職名

總裁

前兵部尙書都察院右都御史兩廣總督

臣

毛鴻賓

兵部尙書都察院右都御史兩廣總督兼署廣東巡撫

臣

瑞麟

監修

前兵部侍郎兼都察院右副都御史三品頂戴署廣東巡撫

臣

郭嵩燾

前兵部侍郎兼都察院右副都御史廣東巡撫

臣

蔣益澧

兵部侍郎兼都察院右副都御史調補廣東巡撫前廣東布政使

臣

李福泰

提調

浙江巡撫前廣東布政使

臣

李瀚章

安徽布政使前廣東布政使臣張兆棟

廣東等處承宣布政使司布政使臣王凱泰

前署廣東布政使廣東按察使臣郭祥瑞

按察使銜署廣東按察使司按察使臣蔣超伯

新授廣東按察使司按察使前廣東督糧道臣梅啟照

布政使銜兩廣都轉鹽運使司鹽運使臣方濬頤

廣東督糧道臣貴珊

統理局務

原任石橋場大臣使王家齊

候補圖批駢大臣使潘露